



11-10-2023

UKA2023/048

Pele Broberg, Naleraq

Illersornissamut isumaqatigiissutip 1951-imeersup, tassungalu ilassutitut isumaqatigiissutasut, Inuaqatigiit aningaasaqarniarnerannut, , suliffissaqartitsiarnikkut ilinniartitaanik-kullu , inuaqatigiinnut iluaqutaajuarnissaat qulakkeerniarumallugu Naalakkersuisut naala-gaaffiup oqartussaasuinut isumaqatigiissutip nalilersoqqinnejarnissaa siunertaralugu saaffi-ginnejqullugit peqquneqarnissaannik Inatsisartut aalajangiiffigisassaattut siunnersuut.

Inatsisartunut ilaasortaq, Mariane Paviaisen, Inuit Ataqatigiit

Siunnersuut pillugu

Naleqqamiit Mariane Paviaisen, Inuit Ataqatigiit, aaliangiiffissatut siunnersuutaanut qujaniarpugut.

Oqaluttuarisaaneq kingumut qiviaraanni, tupigusuutigivarput Inuit Ataqatigiit nunasiaataanerput oqaasertalersimagamikku oqatussaaveqannginnerarluta 1951-imi.

Inuit nunasiaataanerat, uanilu danskit allamiullu nunasiaateqartut pineqanngillat, maannamut malunniuteqarpoq. Kalaallit, innunnik kingoqqisuunertik aallaavigalugu, pissarsiassaqarfinginia-raangamikku salliuutinneqanngisaannarput.

Kalaaliuneq aatsaat malunnarsisarpoq naartunaveersaasersorneqarnermi, nunaminnik nuutsitaanerminnik ilaa allaat Danmarkimi aqqusinermi nalanermi.

Ilalumi ”naligiisitaanissaq” allaat sallulernikuovoq, kalaallit illersorumanagit. Ullunilu makkunani tusagassiorfitsigut malinnaalluni, danskit allamiuluarnermik taallugu isornartorsiuipput ”Kalaallit” nunanut allanut unammiardortartuinut peqataasinnaannginnejq pillugu.¹ Mattussinertut misigineq, nutserisussaqartinneqannginnami, kalaallisut oqaatsivut atorlugit oqallinneq ingerlammat.

Naleqqamiit ulluinnarsiutaasut ilanngullugit oqallisssiamut aallartereerluta, ilisimatuussutsikkut tusagassiorfitsigullu oqariartuutit sammeqqaalaassavagut.

Namminiilivinnissaq pillugu ”Greenland Perspective” misissuinerat aammalu Gustav Agneman saqqummiussaa² malunnaatilimmik assigiiffeqarput.

Naatsumik taallugu, danskit aammalu danskinit kingoqqisuusut nunatsinniittut namminiilivik-kusunngillat. Tamanna tupinnartuugunanngilaq, taamaattorli Inatsisartunut taasisinnaanermikkut sunnertaralugu aaliangeeriaaseq.

Tullertut pingaarnertulli, nunani allani misilittagaqarfioereersoq, kinaassuseqarnissaq pingaaruteqarluinnartoq namminiilivinnissamut anguniangaqarnermut.

¹ <https://sermitsiaq.ag/tidligere-landholdsspillerfooles-skidt-ikke-plads>

² <https://www.sciencedirect.com/science/article/pii/S0176268021000975>



Naleqqamiit nunaniit allaneersut tikilluaqquvagut Kalaallit Nunaanut. Danskiuguvit Thailandermi-uuguvit apeqqutaatinngilarput. Pingaartitarput tassaavoq Kalaallit kinaassuseqalernissaat, allamiut qanorluunniit maalaarutigigaluarunikku aatsaat innuttaassuseqalersinnaalernermermi akuuffigilersin-naasaat.

Massakkut tamatta danskisut innuttaassuseqaannarnerput killiffigitillugu ilikkakkat, misilitakkat takutiinnarpaa nunap inoqqaaviluunniit akuersissutigisinnaarlugu suli kinaassuseqartinneqarumann-gitsut.

Inuitaat Kalaallit, Inuit tunngavigalugit suliaq danskit nunaanut allanut naalakkersuisuisa allagaat malillugu, suli kinaassuseqartinneqarumanngillat.³

Naleqqamiit pingaartilluinnarparput inatsisit nunarsuarmioqatitta akuerisaat malillugit Naalangaaf-finngornissamut anguniangaqassalluta.

Taamaammat 2020-mi Naalakkersuisut isumasiuummata, Pituffik aammalu suleqatigiinnissaq pil-lugu atsioqatigiimmata, oqaasertalerparput ataatsimik pingaarutilimmik:

”Kina kalaaliungami?”

Tapersernikuuvarput isumaqatigiissut atsiornera, ataasiinnaq pillugu. Kiisami USA allakkatigut nu-natta pingaaruinnartutut inisisimatinneqarnera atsiormassuk.

Ajoraluartumillu Naleqqamiit isornartorsiutigut manna uppernarsarneqarmata, oqallisissiaq takuvar-put.

Inatsisitigut kalaaliuneq illersorumanagu inisisimancerata kingunerisaata ilaat, tassaavoq danskit allamiullu nunatsinni suliffeqarfiliqiarlirutik “kalaaliuneraarsinnaagamikku” suliffeqarfik. Takornari-alerinermi, aalisarnerup silarsuaani allaallumi massakkut piniartuunerup tungaatigut kalaaliunissaq pisariaaruppoq. Kinaluunniit piniartunngorsinnaavoq Kalaallit Nunaani ullumikkut. Kinaassutsimut, kulturimut kingoqqisuunermik aallaaveqarunnaarput piumasaqaatit.

Taamaasillunilu ICC ilungersuussimasa, EU-mut puisip amiinik tunisisinnaaneq “Inuit” pisinnaati-taaffiat atorunnaarnissaa tuliusseajunnarsilluni.⁴

Taava siunnersuutip qitiani ajornartorsiutit marluk Naleqqamiit tikissinnaalerpagut.

Siullertut maannamut killiffik suliaavoq danskit naalakkersuisui “ikiortigalugit”. Naleqqamiit isornartorsiortareerparput sooq Pituffik pillugu Naalakkersuisut Danskit ikiorlugit tamatigut suli-aqtarnersut. Qanoq isilluta taava danskinut ikioqqulluta saaffiginnitqarsinnaava?

Tullertut, pingarnertullu. USA ersarissumik oqariartutigereerpaa “nunap inoqqaavi” (Inuit), tas-salu Kalaallit Nunaani Kalaallit, qanumut suleqatigalugit ineriartortitseqataarusuttut. Sulili Inuit Ata-qatigii akerlereqisaat, inatsisitigut kinaasuseqarnissarput, kikkulluunniillu nunatsinnut ”takanna pi-niarsiuk”-mik inisisimasoqartillugu, qanoq timitalersorniaramikku ”Kalaallit” illersornisaat?

³ <https://naleraq.gl/wp-content/uploads/2023/03/llangussaq-7-Inuaat-Kalaallit.pdf>

⁴ https://www.europarl.europa.eu/doceo/document/E-8-2015-000859_DA.html



Naleraq

Qanoq illersornissamut isumaqtigiissut "Kalaallinut" iluaqtaalissagami?

Qanoq Pituffimmi isumaqtigiisummut danskit naalakkersuisui ikuutaassagamik, suliaminnut akerliulerlutik?

Tamatta eqqaamagunarpalput 2021-mi Nunanut Allanut Naakallersuisuullunga, tusagassiortumut nassuaatigigakku Namminersornermut Inatsit, tassungalu sioqqullugu suliaasut.

Berlingske eqqortumik issuaraannga, KNR eqqunngitsumik issuarlunga, tunngaviusumik oqallisis-siaq uniorlugu Inuit Ataqatigiit qisuarriarput.

Issuangara tassaavoq Danskit nunanut allanut naalakkersusoqarfianiit allakkat, nassuaasut "Inuaat Kalaallit" kikkuunerat. Tassani ersarissumik allaqqavoq kingoqqisuuneq (Etnicitet) ilaatinneqarluni. Tamanna naqissuserneqaqqippoq Lars Løkke Rasmussen oqariartuuteqarmat atorfinititsinaviarnani kingoqqisuuneq aallaavigalugu, kalaalleq pineqarmat.

Piviusulli allassimasut akerlilerlugit Naalakkersuisut Siulittaasuata suaarutigaa nunatsinni tamarmik inuusut sullillugit, kingoqqisuuneq aallaavigalugu sulinani. Tupinnaraluartumilli naqqiuteqarnani FN-imiit nakkutilliisoq nunatsinneereerluni nalunaarusiaani allaqqammat Naalakkersuisut "Nunap Inoqqaavi sinniisorigaat" (Indigenous Self-Government).

Naggasiutigalugu ersarissarusupparput Naleqqamiit, Danskisut innuttaassuseqartilluta, Danmarkip Nunarput pigitillugu, 1953-imiit maannamut ataasinnguamilluunniit takussutissaqanngitsoq Kalaallit ineriartortinnejarnissaat, danskit ikiortigalugit.

Akerlianik ersarissereeraluarpoq danskit akunermiliuttuillugit, nunarput aningaasarsiorfigiuaraat.

Naalakkersuisut Allannguutissatut siunnersuutaat Naleqqamiit tupigusuutigivarput.

Naak takorluuisinnaanerat?

Naak siunnerfeqarnerat?

Sooq partiinut miloriutiinarpaanaasit iliuuseqarnissaq?

Inatsisissaq tunngaviusoq siunnersuut, inatsisartut suliakkissiissutaa malinnagu naammassisq qiviannarneqarsinnaavoq. Aamma ukiut arlallit million arlallit atoqqaarlugit nunanut allanut isumerniaasaassappat Naalakkersuisut? Misissueqqaarlutik?

Naleqqamiit isummernissaq piareersimaffigigaarpalput, oqariartutigereerparpullu siunissamut ersisaarneq aqqutaanngittooq. Eqqunngitsunik tunngavilorsorluni Naalangaaffinngornissatsinnut kin-guarsaneq pisariaqarsorinngilarput. Namminiilivikkusunngikkaanni ataqqivarput, taavali ersarissumik oqariartutigineqarniarli.

Taamatut oqaaseqarluta siunnersuut itigartillugu Naleqqamiit oqaaseqarpugut.